

BAN GOZA CU SU PROME LUSTRO



Grupo di Carnaval di Mucha, **BAN GOZA** mañan ta celebra nan prome lustro den carnaval di Aruba.

Un grupo cu semper a presenta luhoso o semi luhoso y cu nunca a falta nos cosnan criollo.

Grupo dirigi pa Agnes Ruiz y Evelina Lacle cu diseñonan di Johnny Fin-gal.

Simannan largo e dirigen-tenan cu nan colaborador-nan ta traha pa bini cla pa carnaval di Noord, cu despues a bira Carnaval di San Nicolas sigui pa Carnaval di Noord y Carnaval di mucha di Playa.

Dirigientenan cu a pasa den tur e doloman di grupo, doloman pa haya patrosinador, doloman di por logra cubri gastonan di grupo, y cu co-laboracion inmenso di may-ornan di muchanan cu ta participa den e grupo.

Un grupo cu a bira un di e "Grandinan" di parada di mucha y ora nan no tey, ta sinti nan falta grandemente, manera na 1996 cu nan a dicidi di no participa y prepara pa e aña aki celebra nan di cinco parada.

Na 1992 Grupo Ban Goza a presenta den parada pa prome biaha cu e tema "Canticanan di nos muchanan" y a domina paradanan cu nan bunita y bunita presentacion di e can-ticanan di mucha.

E grupo a imponi su nom-ber e aña siguiente cu "1 Aña Calendario Infantil" y a sali tambe eligi como Grupo di Aña.

E di dos biaha cu **BAN GOZA** a coi titulo di Grupo di Aña tabata na 1994 cu nan a presenta cu "Ban Hunga (weganan di mucha)".

Durante nan di cuatro aña participando, aña 1994, nan a sali cu e "Super Amigo-nan" y un biaha mas **Ban Goza** a bira Grupo di aña. Aña pasa e grupo a dicidi di no participa y prepara bon pa nan prome lustro y aun-que tabata tin hopi kibra-mento di cabez e grupo su esfuerzonan a ser corona cu un bunita grupo un biaha mas cu diadomingo pasa a sobresali den parada di mucha na San Nicolas.

E aña aki e grupo ta sali cu e tema "Un biaha tabata tin.....". Esaki ta referi na comienzo di cuentonan pa mucha, y lo tin 14 roadpiece basa riba cuentonan.

Compa Nanzi y e Popchi di breu den cual Shon Arey a pone e popchi di breu den su hardin pa fango e ladron di su frutanan.

Cha Tiger y Coma Baca. Cha Tiger a bin di bishita pa bacila Coma Baca pa mira un chens pa come Come Baca.

E marciano y Shon Arey. Shon Arey y La Reina a

busca contacto cu otro planeta pa haya forza contra Compa Nanzi.

E prome grupo di muchanan di **BAN GOZA** ta e "Inva-sion di marcianonan".

Despues ta sigui mas road-piece cu **Capa Cora.** E wolf a caba di come e wela y ta sperando su pasa boca Capa Cora.

Morenita (Sneu Blanco) E spiel magico y apel venena.

"**Spiel spiel na muraya, ta kende ta esun di mas bunita di henter e mundo aki**".

Alicia den e pais di ma-ravilla (Aruba). Alicia a come e hongo magico di Aruba y a crece, crece, crece y crece....

Habri Semam Habri...

Ali Baba a descubri e cueba na unda e tesoro ta warda.

Despues di e roadpiece aki lo mira e di dos grupo di Ban Goza cu ta **E 40 ladronnan di e tesoro.** sigui pa road-piece di **Robin Hood.**

Robin Hood, y su pandi-ya cu ta biba scondi den mondi. Nan ta horta di e riconan pa parti pa e pober-nan.

E pato Mahos, ta e pato ma-hos cu mañan lo convert-i den un zwaan precioso.

Jack y e boonchi magico.

Di puro pobreza Jack a troc-a nan unieo riqueza cu ta un baca pa tes boonchi. Su mama a rabia y tira e boon-chinan for di ventana, pero e boonchi magico a crece te

den cielo na palacio di e ogro. Eynan tabata tin un galiña cu ta pone webo di oro. Despues di a combati e ogro, Jack su familia a conoce solamente riqueza. Hubladubla.

For di e storia: **E prinses cu ta gusta papia palabra malo,** di Daisy Correa. Hubladubla su hari ta asina penetrante cu te hasta e pushi ta spanta y core sconde bao di stool.

Mesora tras di e roadpiece aki ta sigui e di tres grupo cu ta "**Tur caminda tin Hubladubla**".

Ta sigui ainda dos roadpiece cu ta primeramente esun di **Rapunzel.**

Rapunzel tabata masha bunita cu cabey hopi hopi largo. E bruha a cera Rapun-zel na candal den un toren pe no topa cu e prins. Sinem-bargo e prins tabata subi na su vlecht pa bishite.

E ultimo roadpiece ta di **Shinishi (Assepoester--Cinderella)** E fiesta ta tuma lugar ne palacio di e Prins den Schelpstraat na playa.

Esaki pues ta un relato riba historia di **BAN GOZA** y nan presentacion di e aña aki.